

BUKU BARU

Sorot kekuatan empat sultanah Aceh

KEMAMPUAN wanita memimpin negara tidak hanya berlaku hari ini, malah sudah berlaku seawal abad ke-17 lagi.

Memandang ke Aceh, yang terkenal dengan gelaran Serambi Makkah kerana pegangan Islamnya yang kuat dalam pentadbiran negara, sekurang-kurangnya empat wanita tercatat dalam sejarah sebagai pemimpin kerajaan.

Sultanah yang dimaksudkan ialah Sufiatuddin, Naqiyatuddin, Zakiyatuddin dan Kamalat Shah.

Peranan dan keberkesanan empat sultanah itu sebagai ketua negara disorot dalam buku *Sovereign Wo-*

men in a Muslim Kingdom: The Sultanahs of Aceh, 1641-1699 tulisan sejarawan Jabatan Pengajian Melayu NUS Dr Sher Banu A.L Khan.

Ini juga secara tidak langsung menjelaskan Asia Tenggara sudah lama menerima wanita sebagai ketua negara sebelum munculnya tokoh yang menjadi presiden seperti Megawati Sukarnoputri, Corazon Aquino dan Halimah Yacob.

Dr Sher Banu berhujah bahawa wanita sebagai ketua Aceh tidak lemah mentadbir negara.

Beliau mengunjungi beberapa negara termasuk Belanda dan Indonesia untuk menjalankan kajian lalu

menemui bukti bahawa empat pemimpin itu mempunyai kebijaksanaan dan daya tahan menerajui kerajaan.

"Berdasarkan kajian, saya tolak dakwaan bahawa wanita yang diberi kuasa mengetuai kerajaan hanya berperanan sebagai simbol kerajaan dan tunduk kepada pengaruh lelaki.

"Sebaliknya, mereka masing-masing mempunyai kekuatan dan kebijaksanaan membuat keputusan," katanya dalam pelancaran bukunya di Perpustakaan Negara, Victoria Street, baru-baru ini.


Di sebalik tekanan kuasa Belanda dan Inggeris, Dr Sher Banu berkata

pemimpin wanita itu juga menganjurkan pendekatan bermusyawarah dan toleransi.

Beliau juga berharap kajiannya dapat memperbetul tanggapan salah mengenai peranan yang boleh dimainkan wanita daripada sudut pandangan Islam.

Contohnya, Sultanah Sufiatuddin pedagang yang memiliki kapal berdagang perak yang berjaya. Sebagai pemimpin, beliau mencari huraian lebih lembut ketika menjatuhkan hukuman.

Buku setebal 318 muka itu dijual di kedai buku Wardah Books, Bussorah Street, dan secara dalam talian.



LANCAR BUKU: Dr Sher Banu menampilkan kepimpinan sultanah Aceh dalam bukunya (kiri).